



蘭江集卷之十五

黎陽王在晉明初甫著

文

祭徐母湯老夫人文

伊江河之沆瀣兮始涓流之不竭偉豫章之于霄
兮起毫茫之茅蘖微賢姱之邦媛兮孰為啓乎迪
哲維太君之婉孌毓令姿于名閔共姆訓而不違
佩女誠而無缺嗟伯鸞之耿介匪德曜其焉埒總
彛秉之珩璜駕前修之並軼勤婦職而靡皇儆績

南江集 卷之五
侯于鳴鳩屬家室之中圮僉左提而右挈美鸞驚
之苞彩已呈輝于丹穴浩天路以渺漫玉輅馳而
高緹敷監德於于公乃晉司乎喉舌既代命於巡
方握繡斧以揚夫駿烈奉翟茀與翬衣益色養而
愉悅胡大化之不居倏并白之告蠶甫慶堂而弔
閭固倚伏之糾結繫詰嗣之永懷痛啼鵲而哽咽
望東國之迢迢心爰哀而悲絕嗟千齡之共盡猶
吹劔之一映矧家巷之邳隆復登年于耄耄惟顯
承之已優或可解愴悽以自節晉小子叨側名于

世講且接畛而連暇耳令問而心儀驚訃音而怛
切慨二監之無良感余心其如折薦桂醕而陳辭
聊以寄余之涕雪

祭黃母趙孺人文

猗惟母道擬于坤元作成弘化厥德朗宣有皖沙
溪愉翟鍾異間氣巨靈筭禕茂著廉節遺胤厥有
前徽懿問煥煥墨車言歸隤祉于宗孝恭和惠煜
雪顯儒澤宮揆藝以諧伉儷白髮相莊有那荆布
渠勩劬勩力贊中闈家業中起左圖右書丕承令

子喆嗣蚤蔚穎露才華乃抱弘璧慈訓光嘉策射
天人臨軒大對兩邑握符花封澤沛迎膳宦邸
甘膳日腴將母以慰夙志乃抒廉愛馳聲太君有
誨薦剡累揚卓魯無媿子名之赫母范之良於皇
令績覃被龍章北堂慶餘錫以象服壽祉兼隆
永昭景福胡爲一夕護委淒風朱顏弗駐霞珮搖
空大河咽流周南黯色輿櫬歸來故都含惻晉惟
往歲叨錄南宮小子厚幸附驥令公黍誼年袍夙
聆母德只尺清芬有儀可則江雲漂渺慈顏何遙

倏爾聞訃我心怵怵丹旒言旋蘋藻用奠淑靈有
知惋焉歎鑒

祭別駕蕭雲洲文

余自束髮為公小友結社爭鳴論交執手公為鼓
瑟我為擊缶小子不文取以覆瓿公曰起予敬而
能久績學如公適逢未偶蚤奮青雲窮經白首學
優後仕以倅郡守大江之濱民歌俛后樂只君子
譽不容口簡召方來以需大受夙志未酬遽罹
陽九賀者登堂弔者已走我之別公虎林之阜歲

蕭江集 卷之五
筭幾凋永懷折柳數言成訣撫膺欲嘔悠悠彼蒼
仁者不壽美玉於斯懷璞未剖獨遺令名家邦仰
斗世澤永綿盛德不朽王事獨賢猶能首牖子嗣
特達以昌厥後天道何常似無似有有懷哭公醉
以卮酒人面難逢我心則狃恍佛音容如在左右
灑淚臨風公其知否

祭僉憲陳吳峯文

天不造吳老成落莫於虐我公適當其阨公材駿
拔挺然人豪經術用世當代時髦為國使臣用宣

主命皇皇者華出疆必競瑣垣封駁白簡清霜探
珠驪下鳳鳴高岡棘闡典士高懸朗藻桃李及門
斯文有造王臣蹇諤不有其躬直道事人焉往能
容遼邈閩藩以居遷客靡詘不信清評籍籍分猷
起部再振陪京旬宣候服于沔于荆 帝命方來
中外倚注造物讐公溘焉朝露一官顯晦志豈其
酬人願百身公已千秋某等忝附粉榆高山可卽
典刑忽頽為我心惻明德旣杳古道益微我懷鄉
國地隔人違千里生芻以代羞酺臨風黯然神其

鑒只

祭封公孫虞陽文

大海灝渺其發淵淵間氣所值有開必先斯文之
澤漸漬積累若或遺之有斐君子倚與我翁太古
之龐被褐懷玉南金比雙皓首窮經力破萬卷揚
于王廷僅博一選聞風颺羽雄心未降陰留餘蔭
以造家邦媚孕輝含天上兒種躋雲有梯轉盼神
竦且訓之學且訓之廉卽焉親慈望焉君嚴郎官
出守良二千石股肱 帝鄉循聲籍籍會有孝感

望雲神飛囁指心動拂衣于歸歸來踰月膝下顧
養公為怡然几杖相向三牲未幾忽爾飯含脫屣
人間糟粕旨甘陽烏欲墜有光如晝以待歸人尚
留一線眼中親見牖下卽安百年心事其為少寬
不朽不死大願已了得盡便盡鴻冥不杳尤羨長
公孝格明神旣能報主復能事親一朝之養三公
靡易吳楚隔天呼來易簣白頭進秩金紫翩翩五
花覆之夫寧歎焉萬形盡凋世界何有如翁十全
其誰與偶翁神冥漠飄遙若仙酌酒獻言殆不可

傳

祭王母魏太淑人文

萬曆丁酉之春王母魏太淑人以疾卒其通家子
王某郵燕不及哭越冬季入里門乃灑酒載牲揚
卒爵而陳衷言蹠而致哀曰嗟乎女德之經行不
踰闕^上遂不出疆古稱女德或以貞名或以烈著代
不乏人至于令妻賢母如樂羊公父不少概見然
或一言一行偶符于道迄今誦之不衰求其盛德
至善輒移薄俗濯磨世風則丈夫猶然難之矧女

德乎嗚呼太淑人已矣今安有百善具備如太淑
人者乎今安有儀化範俗如太淑人者乎太淑人
始筮而歸弇州公公特達賢豪高距駿發掇巍科
于掌上而太淑人勸勸內政以成其大志公游宦
寓內正直立朝侃侃不懼而太淑人左右箴規以
成其大節遭凶遘閔公匍伏叩閭籲天見日而太
淑人擗踊哀跣以成其大孝公為德于鄉鄉之人
尸祀頂祝而太淑人好善行義以成其大德公蠹
魚萬帙力學登壇衙官屈宋奴隸曹劉文貫百家

之富氣擅一代之雄而太淑人篝燈佐讀以成其
大名匪太淑人無以成公之大而惟成公之大益
以顯太淑人之賢雖然此僅窺其末也太淑人誕
生于望族而聲華靡曼無以奪其志愛憎好惡無
以易其衷折節禔躬平心率物閨中之質見之易
化陰絀其貴介恣睢之氣而潜消其陂僻忌嫉之
心凡吾婁縉紳學士之家靡不佩服太淑人之媿
德懿行以為閨中箴卽里媪村嫗亦誦法太淑人
之賢不啻口出也嗚呼太淑人已矣子孫貴盛甲

第蟬聯吳中侈譚閥閱無出其右然富貴福澤人
所時有也而何足為太淑人之軒輊哉蓋太淑人
夙閑家教溯流窮本無忝所生而弇州公為我當
代聞人天固匹休名德以為之配室家相待良非
偶也太淑人壽考正終存順歿寧夫復何憾而予
小子所為迫切而撫心者喟典刑之既頽傷儀化
之孔茁百身莫贖仰止奚從余故以鄉人之私哭
吾弇州公而因追悼于太淑人之不返也太淑人
有知乎孺子之生曷可鑒已

祭倪年嫂劉孺人文

塗山透麗巴水汪洋誕生賢淑用匡大良惟靈婉
媿鍾祥名閥以配君子聿資長發庭闈孝養滄髓
恪共內閑儀則壺範肅雖夫君駿拔天街馳驟楚
邑鳴琴棠陰日茂 天子曰賢用光 簡書恩及
閨梱翟衣文衮 召命特來秉銓當軸雞鳴警旦
以供興夙殊榮有待中壽未遑半途相背七月飛
霜崔嵬蜀道迴翔飛鴈歷井捫參雲中天棧逆酋
作點烽火連闔南平重險震于其隣蕭寥旅邸孤

魂倚柩兒女三號夜長不晝薊門秋望淒其苦寒
西風洒淚黯然鼻酸大化摧人去不可止母生有
子是謂不死階前芝草一種成芳百年世澤明德
其昌某等二三第弟同經締好長事吾兄夫人則
嫂天涯依倚休戚共之傷哉悼亡曷勝涕洟崇俎
陳觴蕪詞寫臆嗚呼哀哉千古斯夕

祭封君丁太翁文

嗚呼天道靡測德星易輝奪我二天我民何依太
翁訃至仰天歎歎軹道不得痛不可幾最爾婁邦

海濱澆土彈力輸公閭閻些窳誰恤其艱寔惟丁
父父來何暮神明異數樂只君子孰鑄孰鎔霧源
浩發厥繇若翁端嚴正直道德禔躬義方式穀禮
樂為從育此譽髦為民仰俯卓異奏揚前無今古
疇教之寬慈母噢咻疇訓之廉環無阿堵棠陰載
道春風四塗一庭長徹朗于冰壺催科寧拙惻然
民瘼民歌俟後後來其蘇七載撫摩澤濡露沐白
叟黃童家稱戶祝海內循良譽盈銓軸翁宜遐享
于食有福昔來就養鶴骨蹁躑重膺 紫誥泰社

如駢木尋其本水遡其淵僉祝太翁共期百年惟
翁倦遊言旋桑梓我侯純孝暫違甘旨東海西江
邈焉千里目斷雲山有懷涉屺陡聞疾作籲天以
呼訃聞一夕慘動三吳市奔巷哭薰腸欲枯小人
失廬民則何辜丹旄素幃駛奔至止某等部民淚
流洽趾數載恩深永終如始况辱知憐不與衆齒
恩私可冀知己則寥冠不可借黯然魂銷烏旣失
哺不如鷓鴣悼亡傷別我心惻惻西園洒淚山陽
聞笛明德旣遐我將焉適聊以酌翁卮酒涓滴薄

言陳詞怒焉哀戚

祭張母方太孺人文

嗚呼不肖之踉蹌奔歸也創鉅痛甚以哭吾母而不虞又哭太僕公之母也二母之死同何張母之獨享其全而余不孝之母死而不能一訣也豈其數耶抑蒼蒼者重不肖之辜而降割于躬以甚無涯之痛耶當太僕之予假南還戀戀慈顏而不忍去也上書闕下冀盡一朝之養當事者懸缺不補疏下不報刻限以趣公之裝北征有日矣藉令

太僕行而母有意外之變數千里而遙往返不能以自命太僕卽貴為顯官終天之戚將無與不肖埒耶公甫治行而母以疾作母之一疾而不可復起也或奪之公之遲留而不果行也或尼之悠然之天適然之數緩公之行以成公之孝嗚呼不肖無乃非人也耶不肖有父而以客死焉有母而不能將而以訃聞焉哀哀父母生我何裨太僕一請告而執先公之喪也再乞假而視太母之舍也履地戴天頽仰兩無愧矣不肖無乃非人也耶嗚呼世

蘭江集 卷之五
界缺陷得全者全公享其异我得其偏於維太母
疇錫如駢以介遐壽孫子翩聯誕詰嗣于間出怡
鼎旨以恬年惟臨終之一訣乃百福以其旋晉臨
喪而實涕復觸類以愀然抒臆言而代誄敷絮酒
以摠虔獨愴懷而增楚覺有淚之如泉靈其有知
尚饗

祭選部沈日峰文

嗚呼辛丑歲首余不肖有八閩之行公送而別余
于郡時公方抱恙以為旦夕採薪之憂而不虞其

一病而不起也又不虞其匝歲而臨公之喪也嗚
呼天何虐公之甚耶老幼孤嫠藉公以為命公胡
遽厭塵土溘焉長往耶謂造物者之有靳于公則
公之賦材美也咀嚙班馬唾咳李杜詞壇詩社斐
然大雅而多文公之奮庸蚤也射策 帝廷取科
名于掌上脫衡茆而一旦奮起乎青雲公之事業
顯也為令而邑人被其棠芾握銓而賢愚服其水
鑒敷歷津要朝野赫乎其有聞如公之得天詎可
謂非隆厚也造物而誠厚乎公則白髮之垂堂者

父母耶呱呱而失怙者孺子耶馮棺呼號蚤歲而
稱未亡人者寡嫠耶以公之年僅逾五花甲未週
壽不宜死老幼繫慮三事未完時不宜死而公何
以死也天乎可必耶嗚呼公有父母而能曲體其
懽心沒齒而無二則人之所難公有弟妹而能善
撫視敦隆骨肉之愛則人之所難為二禱求姻先
其弟而緩其所自出晚年單舉之孤獨遺于身後
則人之所難公為其所難天必植其孤以昌明德
之後生死分定修短有數顏殤彭壽目前未可以

窺天意也父哭子而祖抱孫婦事姑而弟伴姪天
蓋留二老人未盡之年以畢我公身後之事公之
子將有成矣公之目其可瞑矣

祭楊母陸宜人文

儀化之原近不踰閩乃有母賢永垂壺則倚與夫
人以德配德相厥夫子著名寰域九萬扶搖搏風
振翊海內循良升聞王國 帝曰嘉哉清曹進秩
簡用政殷芳猷允塞雲黯中天陽烏被蝕丹旒素
闡慘而無色力撫二孤內外孔棘家力用饒甘苦

蘭江集 卷之五
茹畜豈曰綺靡無忘經織肅穆雍和其儀不忒詰
嗣孔嘉翩翩振翼撫摩鞠成維母之力里播徽稱
望不可卽年齡甫盛豈其顛踣霧冷煙消寶婺沉
匿食報未終閭巷太息晉與令嗣論交較暱太母
如母過門則式陡聞仙逝為我心惻母賢有子
龍章寵敕不沒者存榮哀無極九原可慰含忻默
默一束生芻以抒丹臆

祭蔡戎田懷泗文

大蔡戎懷泗田公以疾卒其子壻某於不肖為叔

黨載牲灑酒丐詞以酌諸几筵時不肖方在疚讀
禮幃中聞公喪輒太息流涕公春秋八十有一夙
強履亡恙忽抱沉疴偃臥不起子壻侍疾于床涕
泗橫溢公乃仰天歎歔喟然嘆曰大丈夫不戰死
沙場以馬革裹屍而乃呻吟床第間非夫也疾革
問公何所見第眼中見一義字語竟而殂嗟乎今
安有捐軀赴難直前不懼如公者夫今安有抗懷
仗義至死不二如公者夫當 世廟末年島夷構
難兵燹震驚內地帖危孤城累卵公攘臂大呼所

向辟易么麼醜類驅而納諸洪濤汨沒殲夷亡算
邇關酋雖殄流孽未央余方治兵閩海力抗跳梁
之寇羽書旁午有旦夕桑梓之憂老將習兵寤寐
倚公為重而公竟已矣嗚呼天之奪公獨不為久
安瀕海計耶公之奄忽厭世得無神遊瀚海視落
東夷之魄耶不肖乃為詞以誄之曰雲黯淡兮攬
槍明壯士逝兮不再生海氛沸兮波未平螿通毒
兮鳴戈兵一葦渺兮千里橫天戈淨兮鯨鯢烹師左
次兮倚長城白虹貫兮氣崢嶸懷忠義兮濁使清

歸灝邈兮揚令名脫有警兮疇請纓聞公訃兮心
怆怆慰九京兮酒一觥

祭翁母王太孺人文

歲鳳呈輝丹穴啓宅天挺人豪厥繇世澤瞻彼虞
山有光奕奕唐華翩聯簪紳絡繹母氏苞霽慶流
餘液翳惟太母聖善宏碩以佐贈公珪璋儷益淑
範為師詩書荻畫矯矯給諫天衢奮翮旣膺民社
萬人加額乃有 璽書徵賢待擇 天子曰嘉授
爾禁掖季氏頡頏干雲邁跡政能馴雉循聲籍籍

伯仲人龍艷指眉白玉產于田豈惟雙璧英賢匹
休母心愉懌 寵命交馳封書只尺胡遽厭塵傷
哉易簣訃聞兩地顛天踊擗鼎養未終吳雲夢隔
簡任政殷轉順為逆以懷母兮頓成今昔千里駛
奔星悻露驛丹旄在廬神歸窀穸懿詰無前鋪荼
誅石某附驥給諫論交溢格猶子若子怛懷靡斃
杖淚成詞拊膺披膈有酒在尊窈冥索莫恍兮忽
兮不可思射

祭錢室李孺人文

女德標彤行在閩閩起家亢宗後先永式於維夫
人儼儷名德聖善柔嘉懋昭令則有赫侍御樹猷
王國束髮窮經宵旦孔亟用佐筆研惟母力畜儉
勤為政不遺絰織奮身青雲萬里一息筮仕花封
蒼生允殖警以翼修用匡厥職 帝曰嘉哉循良
首陟鳳鳴在岡邦之司直象服旌賢鸞章寵敕以
貽夫人名則稱實厥有鳳毛翩翩振翼轉眄青雲
顯承相逼茂齡未凋介福未食胡然厭塵頓罹傷
盡瀼霧障天太陰遽蝕丹旄向南靈輻自北滔滔

者流往而無極吳水燕山萬鄉匍匐洒淚關河慘
而無色母儀既遐有懷如棘翹企儀刑望不可卽
天乎勿問數耶莫識梅花一枝佐以瓊醴黃壤千
秋為我心惻誅言數行聊抒悃臆

祭王太孺人文

巨浸環滙氣雄東土有赫琅琊名賢步武于時弁
公三仲為伍三仲伊何儒林冠組厥惟母賢淑聞
異數壺政肅修動循履矩作配君子式起門戶曰
儉曰勤以振惰窳毓英誕詰用篤宗祏冢嗣蜚英

青雲資斧朝露易曦迺至鍛羽仲則昂焉克肖乃
父王氏白眉有光黻黼季君通籍筮仕閩府清材
卓然吏氓仰俯詎云五斗養侔鼎釜將母不遑瞻
彼此岵母壽未央二豎為苦豈其奄忽大夢栩栩
目斷南雲頓成今古某忝通家寧無怛懽吾母若
母後先相覩匍匐歸來道途旁午宿淚未收搥膺
欲吐卮醴荒言以鳴肝脯靈兮杳冥鑒此哀縷

祭少塘吳公文

嗚呼達而投契世之所鄙士之處窮孰為衆齒昔

懷一鉢永言知己方予髫年間行弗哆疇其知之
獨公乃爾公呼小友見則倒屣結社論文以課兒
子比予出仕公為絕趾杜門弗見乃違其始予不
面公十餘年矣跡公生平行已有耻靜以養恬率
其素履委質事人業官如砥匪荏匪堅不隨不詭
施于有征內外合軌家人嗃嗃敬共勿弛隆師取
善惟德是邇型范克端以昌厥祉有子翩翩後先
濟美于校于黌令聞鵲起青雲有梯頡頏萬里公
神雖寂可謂不死世事無窮浮生有底誰為化人

能超劫否苟其百年亦同傀儡邇公之生生逾七
紀蘭玉森焉詎能比擬伉儷白首死生從倚公後
母先相去如咫尺地下與偕若悲若喜生人之戚如
喪考妣老成旣凋世無仰止已而已而吾哀桑梓
灑淚哭公非彼只此公其有知歎此芳芷

祭錢母張太孺人文

嗚呼遊子念親古今則一將母不遑王事靡亟以
身事人是貽罔極吾哀吾親痛哭太息豈其太母
亦惟此戚母之云亡遠懷明德繫太夫人有儀孔

碩柔婉慈和化行闡閩以佐封翁起家力畜內外
克匡可矜可式毓喆翩翩白眉踵出猗與仲君雲
霄奮翼大對 明廷剖符綰邑黃白喁然循良譽
溢用德追刑有耻且格恩逮所生鸞章赫奕若二
尊人頭顱未白母齡方茂花甲甫歷豈其陽九偃
然一疾追惟仲公與晉同籍受事于閩以共朝夕
胡然先後頓遭母阨晉也不孝楚懷孔棘仲則何
辜均此傷盡白雲望斷相向踊擗風木悲號欲養
無及訃音陡聞臨風默默景仰儀容遐不可卽有

酒在壘醉此涓滴涕雪陳詞愀然憂怒神其來歎
鑒此哀臆

祭朱母王太孺人文

嗚呼塵世有盡一隔千秋聚則空花幻則浮漚欲
養不待慘割難酬慈範杳邈我懷孔憂翳惟太母
聖善具周委禽名閥君子好述以德配德媿美琳
球肅雍貞穆克敬克柔承顏齋慄恪共髓羞中饋
既閑女誡夙修曰慈曰儉以貽孫謀肇彼聞人賢
哲其儔博風躡雲乃拓箕裘郎星高耀載德嗷謳

為漢渤海為魯中年 璽書旌異覃被 徵求職
司補袞仰佐 宸旒起家待 命冀英屢週將母
不逮亦既懷物母方加飯健履優游豈其陡疾卒
不可瘳訃來創鉅枯腸欲抽呼天踊擗蒼蒼者悠
某等小子有淚如流視母若母逝莫能留滿堂實
涕怒焉增惆我嗟時事杓鑿盾矛如水之激如石
之投伸之故抑顯之若幽金石未憂獨抱篋篋四
年羈旅人面幾離縮地亡從終古松楸猶幸瀕危
有子浣淪可代含歛以易衾裯偃息牖下安然首

丘遐齡茂躋孫枝且稠受茲介福允協箕疇生有
詰嗣沒亦愉悽灑酒嗽詞靈其知不

讚

淮雲寺募造大藏讚

我大倉故多名藍梵宇越婁之陰可數百武許則
為淮雲古刹相傳初自大德間為東海勝若趙承
旨之詩章陸侍御之經輯可考而鏡焉故其沿襲
為最遠 世廟中年島夷跳梁旁午內地刹舊傳
有御製龍藏業既付之烈燼矣有大比丘無盡者

蘭江集 卷之五
鳩工架大殿築方丈幾就緒而圓寂後為明心弟子苦心戒行藉腴田三十六畝飫游食僧陀廣告十方檀越造大藏貯方丈中公諸禪衲立常住戒勿自專殖而以屬同衣之有行者及諸賢士之皈依三寶者功告成而持名公手疏丐不佞言為沙門護法余進明心而語之曰若知如來大士所為瀟瀟者耶經瀟也瀟瀟者不存焉夫瞿曇氏之入我中華也離爾形滅爾性情識色相俱窅然空安所事經文喋喋為且佛者逍遙於極樂之界游於

何有之鄉安所去住以容其寄寓為雖然佛固有之所言佛者是衆生心心無沉掉無障礙淵然洞然偕之大道夫所謂沉掉障礙也者孰甚於貪婪也耶子能剗百世業而不有以為功歛十方財而不居以為利破衣敝履割已飫人而不專以為德是為祛貪婪能現自體種種法門七千文言言皆藏之一掬矣於佛何有於佛何有

蘭江集卷之十五

蘭江集卷之十六

黎陽王在晉明初甫著

疏

吳江接待寺建千佛閣疏

竊惟劫灰幾變起億萬之輪迴佛法無邊成大千
之聖智赤烏翔勝地蓮花開禮鷲之場白馬入中
華甘露散天龍之部諸佛生于極樂而慧照八荒
卽大厦廣居統歸過幻羣生處于娑婆而皈禮三
寶乃繪土飾木以證真如蓋以有相歸無相有生

悟無生善行種根慈悲托化造彌天之福德結度世之因緣也吳江邑當浙直之要衝接待寺為水陸之交會向有大雄寶殿後存甌脫荒區茲者真玉沙門發虔締構欲建千佛閣須藉十方財衆佛現身縹緲出雲霄擁座諸天護法莊嚴踞獅象稱尊銖纍寸鳩募金錢而經始工繁費鉅需歲月以落成伏願居士達官悟夙世多寶之証青蚨白鏹布今生喜施之因會千佛集其成合萬緣舉其事碧甍映日珠舍利之光丹雘干雲目炫琉璃之

彩西窺震澤長橋鎖越水以通靈東瞰胥江大匯湧吳山而聳秀慈願遂滿緇素同歸彼住持若或僞假名稱永墮阿鼻之獄諸善士倘能力破悵執盡生兜率之天誓禱無虛福田蚤植謹疏

淮雲寺建藥師殿疏

竊惟教列三宗濟世皆其妙義人生八苦去疾免於無常故疾痛疴瘡之迫身匪金石蔑能調劑而慳恡貪婪之痼內惟慧智斯能勘除自瞿曇演說真經而如來盛陳功德迨教典行於茲土而藥師

度脫衆生因行弘遠集四願八願之成法力廣通
普三千大千之界洵為超萬劫之根宗信乎祛九
橫之要旨也淮雲為東海名藍而真海乃佛門第
子欲卽甌脫之墟以構藥師之室誓心戒行業締
願於人天結木鳩工尚借資於大衆伏願宰官長
者善信男女悟夙世因緣舉布金勝事拂煙雲以
開藏法鴈雙騫剪槎枿以種蓮天龍合部晃晃金
篋東燭琉璃之海騰騰寶地西來慧覺之光慈悲
教主能起死更生廣大福田定消魔去障歷陰陽

寒暑萬方昭藥餌之靈合聖智庸愚三生證釋師
之智或護法或捐貲上有龍神作鑒儼乎赫赫威
明卽尺寸卽錙銖苟其貨利為心永墮冥冥惡趣
共登善果莫觀厥成謹疏者

題飯僧供誦華嚴經疏

自竺乾以施身之說售卽剔腎析骨靡所自恠豈
利之為兢兢顧大衆沉淪於愛網此一阿堵物而
囂然攘逐之未免計量於銖積而究其所底止則
食費萬錢而孫子為魚肉卽此自來自去有盡之

物無如一捨反植德於冥而世世若取諸寄乃佛家所為福田利益莫有逾于飯僧者顧寓內芘芻瞑目跌坐口稱大士而陰為佛教所嗤去者往往而是則在飭之而得其人楚釋某蓋三憇吾婁矣言不飭而履方志不濁而行檢時以其泮渙悠閒吐咳爲短章小句此第蠅虫末技窺其一斑而大槪為智慧有行和尚茲者杖錫而過海上欲往匡廬問道名山而余則謂上人逆旅天地卽吾海邦一片地茆菴竹榻亦足以容七尺安往而不匡廬

也者因與二三縉紳居士商出月餉供養於海寧山舍諷誦華嚴諸經為衆檀越稽首稱壽計上月費香火柴薪不逾兩金得數人而共之歲事畢矣余不敏備官周內史歲支內帑金錢廉不足贍八口時時稱貸以給之而又家燬無立錫尚圖勉強為善城中十萬戶必有慕義而興者是在隨心喜捨量力廣施而饒乏奇贏余又安能一律齊而如持左券索也

諸涇鎮重修天妃宮疏

嘉靖中島夷內訌兵燹四起流毒最慘獨諸涇一鎮獲以瓦全鎮故有天妃宮靈爽顯赫居民以為明神護庇云妃海神威能鞭風駕濤轟雷掣電如宋宣和中路允迪渡海故事妃之為靈昭昭也我朝洪武永樂間兩加封號海方百世紀之有禱輒驗卽邇歲關酋跳梁視東海不過一衣帶水竟不能徼天風之便窺我內地卒之殄滅海島虜俘告廟神武大震微獨中國威靈致然則亦神之默號其魄耳我州東距海門而諸涇為東路襟喉去

州治十里許海祀之神錫恬閑遠奚翅區區一鎮鎮之神祠頽圯荆棘不剪端嚴神像廼為風伯雨師所侵蝕見之者當亦咨嗟動念住持某欲增修殿宇改飾門扃勸施于十方長者倘能慨然捐貲成就善果無論將來福德亡量亦可以答明神之貺已州大夫已為之印鈐其疏晉不揣而弁其首

五臺受戒募緣疏引

寂空之祝髮為僧蓋今年之春二月也其受齋戒行業且二十年一旦翻然引決撒妻孥棄廬舍斷

未斷之緣了未了之願一瓢一笠雲水為從余見其鬣眉殆盡而愴然心悲焉其人即非大賢豪特達然亦能自樹立有聲閭閻間第以年老無嗣骨月為苦戎行為累乃信心獨適毀形求全宇宙至大豈不能容一老人嗟乎事至此而其志亦大可憐已夫三生有盡四大何常浮雲世界過眼空花枕上榮枯世間得失吾揔當問蕉蘆何事而與俗人共煩惱哉寂室其當有悟乎茲將受戒五臺所少途貲衣鉢跣告於十方長者倘憐其志而稍捐

絲泉錢穀懺於世尊前當為施主誦功德耳

建文昌奎星閣疏

我婁文人學士夙甲於吳蓋邑之形勢巨浸環其東穿港而入水勢泓渟澆郭之東南迨西北而支流漸以殺故執堪輿家言則地脉以東南為首兵憲王公精於術察我州之勝鑿朝陽之水竇以引潮汐更卜開曠地剏層樓以鎮之工甫就而吾州之聯擢解者三其掇歸科甲者歲相絡繹也則寧獨人傑致然蓋亦有潛轉而陰移者在矣去鐘樓

百武許則為紅欄杆橋兩岸距河為東西潮水去
來之滙邑薦紳楊先生就其旁隙地興漢壽亭侯
祠廟貌煥然飾矣道士李某住持香火謂有武何
可無文欲建文昌奎星閣于其左質之州大夫丐
言於余不佞以疏諸首夫君子因人就事苟其無
妨於彼已而有裨於鄉邦者與眾樂成可也茲役
也奚翅答明神以祈禳祐已哉當巽木之界文明
之域而有洪流潤其脉文筆聳其秀復爾奎纏朗
耀樓閣崢嶸兩峙則人文駿發當倍諸往昔百年
未洩之精英行將際其盛矣顧鳩工築地以獨力
任之則歎以眾緣集之則優凡我斯文幸割余貲
以成善事至於多寡饒乏則聽之喜施者某其何
敢擅焉

旗纛廟重建三官三僊閣疏

吾婁濱海要地舊設太鎮二衛為捍禦太倉衛之
陰築地初旗纛廟霜露既降灑酒祀旗纛之神以
答清寧之貺廟之右故有三官三僊閣軍旅之事
鎮以神工武威之揚配以文德前人之創立意蓋

深遠也積今歲月寢久風雨摧落神像剝蝕草色
油油且蒙茸滿砌矣一夕授夢於某上舍之母氏
亟為厦宇覆我當獲異報寤而令人蹤跡之知廟
中有廢祠朝謁而三人如夢中所面語者遂發願
捨財首躬重修顧工費浩而物力不支不無藉於
四方之達官長者道士沈某懇請而乞余為疏言
屬余客有譚夢中之神奇若爾者王子曰有是哉
神之為靈昭昭乎夫神之在天地猶水之流行無
處不到祠宇幷懞不啻蘧廬視之何所執着而必

依依於朽木敝址以其所不足者告之人將無以
夢寐為影嚮乎是不然神無方托之物以為方神
無在隨所托以為在禮神不可得而托為像以尸
祝之像也者神之所寄為方體者也所寄在是而
任其淋漓剝蝕庸夫俗子見之而起慢是以尊之
者襲之也尊之而反以襲之神之有靈寧無芥蒂
故神能以所有餘者終始天地宰育民物而不能
以所有餘者托土木以自完歷千百年而不毀故
神亦有所不足其不足不能不假之人某之夢豈

其誣神倘亦理有固然而適昭其靈感乎天非人
不成人非感不因一人倡之四方善士併力圖之
庀材鳩工指日而廟貌煥然新矣天地水官權司
禱福文昌宰化純陽度世張僊錫嗣赫赫明威昭
鑒不爽有能善布金錢皈心善道積壤成高涓滴
成流微獨神功默佑震我威武靖我疆場而善緣
勝果定獲顯怙夢中靨語當與諸君子共之矣如
云道士因之以爲利請以愚言質之九天司命其
能當此電目否

供諷華嚴造經結會疏

竊惟列教開宗厥有西來妙義貝葉五千函法門
種種蓮花十二部果海圓圓世尊初成正覺爰說
大方華嚴埒大千世界於毫端納無量刹土於芥
孔無盡無藏非成非壞欲超障魔之苦瀚須登般
若之慈航茲有衲子某誓心供佛胡跪諷經上酌
三界下祝十方印造龍宮大典四十八部貢之補
陀演聚名德如來一十二人會之僊院俾法音廣
布佛力弘敷來碧眼以譚空坐白足而度世第之

搏沙之飯無無衣鉢之糧告諸檀越喜發慈悲廣
種福田共登善果三寶證盟敢菽絲之潤橐四方
信受幸織壤以增高意能鄭重福不唐捐謹懇者
題三尖口圓通菴建白衣觀音像并塑像疏
金剛齊曰我不依有住而住不依無住而住如是
而住佛何以有像像何以有舍宇得非有住而住
乎有之而非所為住也然無之而亦不可為住也
聖賢卽心見佛衆生卽佛証心卽心見佛者紫磨
金色之身瞻仰取足以至蚊虻蟻皆無欠少惟

是三界諸微塵刹滿中衆生不能各各自觀而觀
於佛於是紫磨金色之身不得不托之莊嚴寶相
碧提離龕隨其迷妄為轉法輪卽佛自相証故曰
無之不可為住也觀音大士能以無畏施於衆生
隨在見身說法娑婆世界號為施無畏世所尊白
衣大士者廣錫嗣胤昭應若嚮吾城廟宇不啻幾
伯而於中獨少白衣觀音像圓通菴住持誓願募
金構殿塑像為城中祈嗣錫福托余友而丐言於
不佞夫三尖口當兩潮交會海氣獨鍾之所吾婁

最勝地達官居士當此有秋慨然有意乎共成之
則名世嘉祥之錫必有應者大地山河廣大神力
普同一照所云無住而住有住而住者庶幾其可
為住矣紫磨金色之身成不佞晉先為禮供衆生
當發無等等阿耨多羅三藐三菩提心

無偈

修海寧後殿募緣偈

吾婁之有海寧舊矣勝國至今時歷年三伯所其
間土木改飾靡遑詳鏡大都歲月既久日漸凌夷

大厦幾於不支佛弟子天叢居士廣大慈悲徵諸
佛天慧力募十方檀越庀材鳩工剏前殿宇廣袤
丈增桶椽易舊彰新丹雘煥然飾矣功甫告成而
居士辭世緣以故無能擅其後者後殿方丈坍塌
日加風魔雨師益就鋸蝕蓋至是而屋角傾圮墻
垣頽敝翻為露寢蕩為冷風海內芘藹來集者結
木縛草以棲止雪霜剝膚不救苦寒端嚴法相袈
絡珠衣磷磷瓦礫卽諸佛能超世劫而為業障所
纏不免尼連波旬之灾像法固遭此一厄哉辟諸

人家堂坳雖既穹窿而閭域奧室輪奇未布尚為一片蕪田白土則堂夏其何以觀焉殿中常住僧海祥苦行修潔誓志興構擊捷椎以聲聞大部衆而謂王子居與三寶鄰顧無法言以弁諸首乎王子人言不足挂齒頰奈何以調語而金口木舌之且海祥又安能以一念造彌天而作此大饒益也雖然顧所信心謂何耳佛殿壞以十方人心成之而風諸十方自一心始祥能積行苦心珠纍寸集不圖衣鉢成就勝果則寸心之不毀固佛殿所由

以不毀者也遂不辭而為之偈曰

一切堅快執 所為非佛法 不離愛慾根
有愛自相拘 縱橫益世僻 未了三生事

所以大世尊 廣布方便門 夙生多寶證

善締菩提果 頭目及爪髮 皆非我所有

以喜導人捨 盡決貪癡網 莊嚴佛菩薩

不離端正相 但酬浮屠願 轉輪四王州

稽首十方生 宰官大長者 園刀帛菽粟

信心作檀施 肇茲宰堵坡 喜觀圓好相

人天念護持 率登諸大道 更為無量福
爰及世後人 凡茲大衆生 永離地獄苦
結此無上因 是故惟捨者
啓

賀尚書後山楊公總督漕運河道啓

萬邦重計中臺擅節制之雄 四瀆滙源宮保受平
成之寄 兼命允從人望 特恩宜自天來 中外懽騰
神人慶洽 某官受天間氣 為國重臣 瑣闥封章 補
綴玉龍之袞 藩屏侯度 茂揚歲鳳之標 佐邦教于

陪京偉矣 匡時碩畫 仗節旄于開府 燁然震世 風
稜卿階 晉位三公 宮秩崇登 八座治河 得上策經
國抱先憂 衆議盈廷 帝心自能簡在 僉謀築舍
大臣獨有擔當 特重總河之任 并膺督餉之權 三
千里之芻糧 保無咽喉之梗 億萬年之玉氣 常培
命脉之原 白馬障流 河伯同效 靈于海若 餘艍嚼
尾舟師 不驚楫于波臣 某關析冗 員部僚末 屬龍
門天上 闕觀未遂 鳧趨鳳詔 日邊重巽 可知雀躍
敢佈野人之悃 遙瞻名世之光 伏願鰲極永寧 龍

廣江集 卷之十一
津底定福源滋至滔滔星海之流曆筭頻仍陳陳
太倉之粟轉漕餽餉首稱十八元功決海注江重
廓五千禹服望重 紫宸扶袞冕會看兩地參天
勲昭玄玉賁山河永覩銘彝勒鼎謹啓

送大中丞用齋劉公端陽節禮啓

五彩連葦黍律協筵賓之候三星在戶箕疇衍福
德之符駕赤日以生輝御長風而宣化驩聲環匝
壽祝攸同某官斗山巍望鼎鉉重臣聚星應太史
之占三垣散彩開府秉中丞之鉞八座聯階元吉

視履其旋有德自天必祐時維夏午慶洽端初牙
燾高懸兩浙同登泰域旌旗南指八方共協離明
某僻守津梁阻趨戟衛滿泛蒲卮望懸懸于繡虎
猥沾膏沐德鬱鬱乎其蘭馨蘆葉藏粘粒粒敢忘
生植朱繒組織絲絲盡屬裁成伏祈百草呈祥六
符獻瑞開闢之文明在午勲名赫奕于鼎彝天地
之長養在夏德澤永綏乎蒼赤合璧長依日月恍
焉鑄鏡生明赤靈坐駕風雷爍爾懸符在肘一德
一心佐虞絃而解愠咸歌南極風薰匹夫匹婦藹

帝日以如春僉效東城童舞一片致悃三祝陳詞
謹啓

候荆石王相公老師啓

社稷重臣保佑篤神人之怙蒼生素望瞻依合齒
髮之欣巍望切于重霄下迹睽于兩地某官聲震
華夷品高今古立朝三十載懋揚慶曆昇平開國
二百年首重太原相業從容定國功高四皓匡扶
激切陳情志決二疏勇退天爲 皇家儲輔佐長
標閣上勲名 帝為道德重師臣倚注山中宰相

惟冀司馬相公之復起庶幾中興事業重光朝野

傾心士氓拭目晉草茅下品樸樾散材夙被甄培
遇敢忘乎國士靡圖報效願每切乎封人向緣匏
繫一官遂爾荏苒半載心懸星漢遙瞻北斗之光
室遠堂階聊進南山之頌伏願永臻道常協箕疇
玄冕功高百祿與堯莫而日茂紫宸眷重六符同
舜曆以靈長謹啓

送益院鶴野袁公中秋節禮啓

清高協律蟾蜍映玉杵之光玄鳥從時金粟飄素

娥之宇月令仲秋而始內夜光既望而常盈千里
同圓萬方胥慶某官德協大中化行秋肅冰壺秋
月襟靈濬朗玄融霽宇晴空胸次光明洞徹乘韞
軒而採俗飛蟬集鐵豸之冠歌幽詩以迎寒刺虎
絢繡文之黻法曜共斗杓而直指德暉同日馭以
交馳柞樞已中分會見瑞華當戶白蕖莢當三五
田來素影動流黃寶鏡方懸仙子儼臨蟬窟銀河
如瀉客星疑度牛墟某勢阻各天誼聯同地聽秋
風于江上能無良夜踟躕待明月於關頭久繫清

宵夢寐懷仁伊邇行思紈扇團團念德無涯動感
金波穆穆阻茲良晤悵此芳辰月色滿湖舫仙桂
獨看青女冷秋容隔江浦芙蓉欣見使臣來祇獻
一絲尚存百結垂神茹鑿拜手仰祈

送大宗伯金庭朱公別禮啓

黼座崇儒耆德繫 兩朝之重望青宮弼德師臣
超八座之尊榮樹隆棟干 中朝峻維巖于下土某
官越中間氣 昭代名臣彤管雕雲名擅三千之
譽金磚遲日行瞻尺五之天氣節振頽風松柏可

蘭江集 卷之十六
知特秀文章回未造桃李下自成蹊館閣絲綸多
士質襄鴻烈廟廷禮樂萬年黼黻皇猷部曹藉重
春卿清品躋秩宗之貴承明仰資學士兼官極翰
苑之榮天為社稷而生巨公終協夢枚之下 帝
賚良臣而興大業自來物色之求朝野倚為重輕
蒼生仰其出處某部署卑官年家小子越在草莽
常瞻星斗之輝馬守河梁翹切雲霄之迥茲當報
代于 闕下先期告別于臺前聊獻春絲奉申野
曝伏願泰來衍祉鼎篆銘勛元冕功高黃耳永資

乎玉鉉人臣寵極瑤圖鞏固乎金甌謹啓

賀少司空晉川劉公總督河漕啓

卿位尊崇總鎮繫萬邦之本計法臺凜肅中原擅
九土之綱維輿情慶叶遭逢兼命聿新倚注某官
望重斗杓氣鍾恒岳彈駁綴黼展之闕一封直動
天顏旬宣壯保障之雄六服式昭侯度三輔旌旗
懸日月夙占開府威名中臺綱紀振風雷尤著銓
衡品藻位臨八座地近三台時論屬老成重地必
先國望官階躋卿貳兩權兼督中丞稜稜鐵豸欲

飛霜丰采極右朝寵貴燦燦彩鸞雙映日糾繩美
專席雄班念黃流特係咽喉開鑿寄平成之重惟
餽餉最關根本轉輸操節制之權淮泗安瀾無復
秋風瓠子舳艫嘶尾直令紅粟教倉灌輸助萬禩
之靈長疏瀹固兩都之命脉 龍宸優眷巖望益
隆某關柝攸司莫禁風塵蹤跡台纏遠照可勝霄
漢瞻依久懷野曝以抒誠敬托春絲而展悵伏願
道扶人紀身代天工寵極 宸綸館閣著麒麟之
業功高元冕山河銘帶礪之勲謹啓

候蛟門沈相公啓

一代雲蒸 紫極重絲綸之寄九霄日近黃扉隆
鼎鼐之司重巽以屬師臣上佐 一人之有道同
升以優帝傳下開萬國之昇平朝野懽騰地天泰
合某官斗間異氣天下奇英大海東蟠震蕩起人
龍之瑞越江南逝汪洪具舟楫之材 帝惟元老
格心陞見交孚一德天為 皇家儲佐臚傳呈兆
五雲枚卜協而誕告 大廷巖瞻隆而進陪密勿
一柱砥清寧之極金甌藉以無虧雙手開日月之

光玉燭因之不夜恩波浩蕩重沾商野之霖事業
光明再取虞淵之日巖廊決筴風雷直靜乎海氛
槐閣論思金石永銘乎淵蠖鴻猷大展駿德難名
某樗櫟庸材曹椽末品頃司關於錦里乃拜貺乎
青雲居散地之數年品格直同纖介當上公之一
碩聲稱頓溢千金久慙衮舄之瞻勤佈曝芹之悃
伏願廣宣帝皞輦奠 皇圖玉鉉崇隆永建格天
之業金泥蕃錫聿昭垂帛之勛黃麻似六經歷中
書二十四考洪鈞轉一氣享太平億萬斯年謹啓

候侍郎念吾徐公啓

龍見長羸景運值離明之候鶴鳴乎二上公迪泰
社之祥半載遙距光天兩地仰瞻巖石某官社稷
鉅臣豫章神品兩間正氣忠孝篤臣子之倫百代
人豪學識貫天人之表法象凜四星之耀位峻中
臺卿階職九土之嚴任顯宏父隆棟允稱柱石王
居懋壯河山相國造關中赫奕漢家制度周詩詠
靈囿於昭文德經營鳩敘百工竚被玄圭之錫駿
登八座行膺玉鉉之司念其待罪越江備員屬吏

蘭江集 卷之十六
朽質濫叨雕植駑材莫效馳驅燕厦日隆回首天
高北斗龍門時隔舉頭日近長安草茅仰企光華
聊致寸函之問候犬馬敢忘報効徒懷三祝之慙
勤統冀汪涵幸垂遠鑒

賀侍御岱陽方公生辰啓

金鼎調元上壽值履端之始玉衡轉曆長生開泰
道之平天篤至人日隆嘉怙喜華辰之且屆効眉
祝之同詞某官盛世祥麟清朝歲鳳生靈受庇和
德洽而長年山嶽儲精間氣鍾而不老十二萬爲

元會常看翬兔如輪八千歲爲春秋會觀靈椿獨
茂長庚照夜光芒燭牛斗之墟太簇迎和初度介
元宵之後祥光生綺席瓊尊聯鰲市之輝佳氣滿
蓬萊珠鶴迴春盤之舞切某鳧趨未遂何從堂下
稱觴燕賀少伸僅學堦前獻頌但願南山酒進長
如世上岡陵共期東海籌添幾度人間花甲阜安
民物福隨川至日升變理陰陽歲效天長地久敬
修三祝敢致一芹伏願炤函曷任感載

答蕭山令廣乘沈丈啓

北斗才高當寧協夢枚之望南金價重名賢擅推
轂之榮惠文首列循良吏治特稱卓異某官天人
偉抱今古高標三策臨軒緩轡同遊上苑列星宰
治鳴琴坐撫河陽全體特其一班大材豈宜百里
洪猷馳驟行看冀北空羣劇地控臨獨宰江東首
邑弦歌徧聞越郡教化遠述龜山爲政得人五載
不殊乎冰蘖薦賢爲國一封直達乎天顏治有完
名目無全浙某身隨驥步地傍龍門繡衣嚴華袞
之褒殊覺榮生一榜鐵豸代朱衣之點可知喜切

同心尚羈燕賀之將忽辱芝函之及譚欵盡成雲
錦摛披恍襟珠璣八斗無前信曹劉之靡逮一詞
莫贖耻游夏之無功伏願名列御屏大藏皂囊之
事業望隆台鼎永垂青簡之勲名謹啓

賀給諫龍門李老師六十壽啓

六袞迎禧珠樹散天街之彩三秋入序黃花含晚
節之馨獨上筭乃永週元惟至人能迓介福瞻長
庚而致祝數絳甲以如環某官鳳質麟祥斗標嶽
望文河毓靈震澤筆海衍慶汪溟玉版仙源姓氏

宗祧從李下丹符祕錄南華道德悟胎元蘭省封
章論列展回天之力棘闈典士文衡奪司命之權
漸鴻暫憇東山膏雉遠期台鼎香生丹桂連枝玉
樹齊芳秀挺紫芝五老琪花獻壽嵩齡特茂花甲
纔週睠茲耳順之辰喜傍小春之候佳節纔逢初
度東籬滿綻黃金長生政屆清秋南極高懸太白
在晉及門下士末署散材翹跂吳天身隔瑤池之
會遙陳僖頌舞隨朱鶴之班儀彩鳳于浮丘仙竽
合奏望青牛于函谷紫氣遐騰仙人掌上值高秋

玉露滿盤和壽酒金母池邊開勝讌桃花三度佐
瓊卮伏願地永天長松清竹茂名世應期五百恢
弘永奠河山大椿歷歲八千勁節直凌霄漢爾昌
爾熾我羨我欣謹啓

蘭江集卷之六

不負河山大器重

雙魚大願

蘭江集卷之十六

